

- 1 وا-رڀي تڙريت اڱنس-ينو تيسانت-ڀي،
- 2 تيسانت عيغ-ڳاورغ عولا عيغ-نڪرغ،
- 3 تيساند-د زغ-توڳوڳت ماغ-ا-سوينڳيمغ.
- 4 تيسانت عيغ-فوغ عولا عيغ-ڳنغ،
- 5 تيسانت ا-رڀي ڪولو ماد-سڪارغ.
- 6 عور-تا-يموس عيلس-ينو،
- 7 تسنت ا-رڀي ڪولو ما-راد-ينغ.
- 8 تسوتلت-ڀي بدا زغ-ڪرايڳاڻ تاسڳا،
- 9 تحصارت فلا س-جهد ن-وفوس-نڪ.
- 10 تعجبغ ا-رڀي غ-تواسنا-ياد-نڪ،
- 11 تاتوي باهرا فلا عور-اس-ڙضارغ.
- 12 مانيس راد-دوغ اد-انغغ عي-روح-نڪ؟
- 13 عولا مانيس راد-روولغ اد-فلاڪ-رڱسغ؟
- 14 عيغ-غليغ س-يڱئا، غين ا-غ-تليت ڪيي.
- 15 عيغ-ڳنغ غ-ومضال عولا غين تليت ڳيس.
- 16 عيغ-نڪرغ ايلغ س-وسغلاي ن-تافوڪت،
- 17 عولا غين افوس-نڪ ا-را-ڀي-يڳوڏ.
- 18 عيغ-ڀيغ امدا زدغ-ن غ-تسڳا ياڳوڳن،
- 19 عولا غين را-ڀي-ڳيس-يامڙ-وفوس-نڪ افاسي.
- 20 عيغ-ضالغ تيلاس ا-ڀي-دلنت،
- 21 غ-يڙري-نڪ ا-رڀي عور-اڪ-لاسنٽ.
- 22 عيغ-ضالغ ازال ا-يوورڀي عيڱ عيغ،
- 23 غ-دارڪ ا-رڀي عيڱا عيغ زوند ازال،
- 24 تيلاس عولا تيفاوت يان اد-ڳانت غ-دارڪ.
- 25 ڪيي ا-يسڪرن عيڱرمان ن-ڌات-ينو،
- 26 تڙديت-ڀي ن-س-تنتلا غ-واحليڪ ن-يمڀي.
- 27 حمدغ-ڪ ف-لقوا-نڪ عولا لمجد-نڪ.
- 28 عيسانغ عيسڪرن-نڪ لعجب اد-ڳان.
- 29 ليغ-ڀي-دي-تخلقت غ-تدروت ن-ڌونيت،
- 30 عور-فلاڪ-نتيلن عيخسان ن-واڙان.
- 31 تعدلت عيڙوران-ينو غ-وروڪو عيرڱسن،
- 32 ا-رڀي-تمنات ليغ عور-تا-لولغ.
- 33 تارات فلا عوسان ن-تودرت-ينو ڪولوٽ.
- 34 غ-وارا-نڪ ا-غ-لان عور-تا-ڙريغ تيفاوت.
- 35 تعجبغ ا-رڀي غ-يسوينڳيم-نڪ.
- 36 ڪرايڳاڻ ڪرا عيلان ا-رڱيس-تسوينڳيمت.
- 37 عيغ-تن-ڪولو-سمونغ راد-يڱاڻن ف-وملال،
- 38 سول عور-راد-يسانغ مامنڪ ا-تڱيت ڪيي.
- 39 امار يوفان ا-تهلڪت ڳار مدن ا-رڀي،
- 40 تسييت-ن فلا غويد دار تعزا-تناغا.
- 41 رورن-ين سرك تيغوردين ا-رڱيڪ-رڱمن.
- 42 عور-ا-تيحمالغ غويلي-ڪ-ور-يتيرين،
- 43 عولا صبرغ عي-ويلي سرك يوسين تانواشت.
- 44 عور-ا-تن-تيرغ عولا را-سار-تن-يرغ.
- 45 وا-رڀي سيڱل ڳيڳي تيسانت عول-ينو.
- 46 ارم-ڀي تيسانت ماد-سوينڳيمغ،
- 47 تڙرت عيس-ڳيڳي-يلا ڪرا يخن،
- 48 تڳوڏت-ڀي بدا غ-وغاراس عيدومن.